

Kompetenzen. En ass zum Beispill zoustänneg fir dat, wat d'Leit dobaussen am meeschte kennen: fir PAP, PAG, Autorisations de construire. Si sinn zoustänneg fir den Droit de l'immigration. Si sinn zoustänneg fir Konkurrenzrecht, eng Matière, déi sech ëmmer méi developpéiert. Si sinn zoustänneg fir den Droit des marchés publics. Si sinn zoustänneg fir d'Fiskalitéit.

Dat sinn alles hautzudaags héich spezialiséiert Matière. A verschiddene Matière mussen ganz rapid Decisiounen fallen, wéi zum Beispill am Fall vun engem Titre de séjour, Immigration. Do kann een net zwee Joer waarden, bis déi Decisioun gefall ass. Och zum Beispill am Konkurrenzrecht: Wat Der do méi laang waart, wat déi Situatioun sech jo méi amplifiéiert. Och bei de Baugeneemegungen: Natierlech, deen, deen e Recours mécht, hätt gär esou schnell wéi méiglech eng Decisioun. A mir hunn haut vill iwwer déi nei Verfassung geschwat. Mir hunn an der neier Verfassung och den Délai raisonnable bei de Juridictionen drastoen.

An dofir ass et extreem wichteg, dass mer souwuel d'Zuel vun de Magistraten opstocken an eeben och elo d'Méiglechkeet ginn, dass Chambres spécialisées kënnen geschaf gi bei de Juridictions administratives, fir eeben dass an där Chamber sech just mat deene Sujeten oder mat deem Domaine de droit kann ausereegesat ginn. Well et ass eng Utopie ze mengen – dass war viru 40 Joer vläicht richtig –, et ass haut utopisch ze mengen, dass een als Jurist, als Richter, als Affekot all Droitsmatière ka kennen. Mir ginn ëmmer méi an eng Spezialisatioun. Wat am Beruff vun den Affekote richtig ass, ass och richtig fir de Beruff vum Richter, an dofir gëtt d'CSV-Fraktioun hei den Accord.

M. Fernand Etgen, Président | Merci villmools, Här Gloden. An ech ginn d'Wuert weider un den Här Guy Arendt.

M. Guy Arendt (DP) | Merci, Här President. Merci och dem Här Margue fir säi Rapport. Fir eis ass deen heite Gesetzesprojekt ganz wichteg, well en eeben d'„Paperless Justice“ lues a lues erabréngt, an dat hei ass, wéi gesot, den éischte Schrëtt, deen awer net onwichtig ass.

De Léon Gloden huet och higewisen op d'Opstockung vun der Zuel vun de Richter an der Zuel vun de Kummeren. Wann ech bedenken, ech sinn elo gewuer ginn, dass an der Cour administrative d'appel verschidde Saachen, Affären op den Abrëll 2005 fixéiert gi sinn, dass heescht jo, dass wierklech do en Nachholbedarf ass an dass et wierklech ganz dréngend ass, dass do opgestockt gëtt. Ech hoffen, dass déi néideg Kandidaten sech stellen, fir dohinne kënnen agestellt ze ginn, wann d'Posten ausgeschriwwen ginn, an ech ginn awer fir de Rescht den Accord vun der DP-Fraktioun.

Une voix | Très bien!

M. Fernand Etgen, Président | Merci villmools, Här Arendt. Da ginn ech d'Wuert weider un den Här Yves Cruchten.

M. Yves Cruchten (LSAP) | Merci, Här President. An nach eng Kéier merci dem Här Margue fir deen dote Rapport an déi vill aner Rapporten, déi hien eis haut gemaach huet. A selbstverständlech ginn ech den Accord och vun der LSAP-Fraktioun.

M. Fernand Etgen, Président | Merci villmools, Här Cruchten. An dann ass et um Här Fernand Kartheiser.

M. Fernand Kartheiser (ADR) | Jo, villmools merci, Här President. Och nach eng Kéier e Merci un den Här Margue. Ech mengen, déi Saach vum Verwaltungsgericht, déi ass wierklech ... Dat kann een net genuch ënnersträichen, wéi wichteg dat ass, well et ass engersäits jo am Interessi vum Justiciable – do si mer

eis jo eens –, mee et ass och interessant fir eis Ekonomie, well d'Justiz a wéi d'Justiz funktionéiert, och wéi séier se funktionéiert, net nëmme hir Qualitéit, mee och d'Delaen, dat sinn alles Standuertvirdeeler. Dat muss een einfach och esou gesinn, dass et fir vill Entreprisë wichteg ass, dass, wa se Problemer hunn, se sech kënnen op e Justizapparat verloossen, dee séier schafft an op guddem Niveau schafft.

Dofir ass dat heiten och eppes, ënner villen aneren Ursachen, wat mir nëmme kënnen ënnerstëtzen, well, wéi gesot, souwuel fir de Justiciable wéi och am Gesamtinteressi vun eisem Land ass dat hei e ganz gudden Projet a mir droen e mat Freed mat. Ech soen Iech Merci.

M. Fernand Etgen, Président | Villmools merci, Här Kartheiser. An de leschten ageschriwwene Riedner ass den honorabelen Här Marc Goergen.

M. Marc Goergen (Piraten) | Merci, Här President. Merci dem Charles Margue. An och mir droen et mat.

M. Fernand Etgen, Président | D'Regierung huet d'Wuert, d'Madamm Justizminister Sam Tanson.

Prise de position du Gouvernement

Mme Sam Tanson, Ministre de la Justice | Jo, merci, Här President, fir dese Projet och nach ..., wou dann och vill Zoustëmmung ass. Et war jo haut insgesamt éischter gutt gaangen, vläicht net bei all Text, mee ech si wierklech ganz frou iwwer deen heite Projet an och frou, dass jiddwereen d'Necessitéit dovunner gesäit.

Dat eent ass d'Digitaliséierung vun eiser Justice. Jo, ob et elo Einhörner oder Kaweechelcher sinn, ...

(Hilarité)

... et ass effektiv eppes, wat laang dauert. Mee Dir wësst och – mir hunn dat jo scho méi wéi eng Kéier och an der Chamberskommission diskutéiert –: Et geet par étapes. Fir d'éischt huet de System op der Basis missen opgebaut ginn, eier de System kann no baussen och funktionéieren. An dat hei ass elo wierklech den éischte visibelen Deel vun der digitaler Justice no baussen, wou d'Affekote kënnen hei och hir Prozeduren digital handhaben. Et ass eng Testphas, an ech si ganz frou, dass d'Verwaltungsgericht och bereet war, mat op deen dote Wee ze goen, genau wéi och déi Affekoten, déi vill matgeschafft hunn, déi Etüden, déi eebe vill Contentieux administratif maachen, fir dass dat heiten iwwerhaupt méiglech ass.

Ech hu mer de System ugekuckt. Et ass ganz interessant, wéi dat funktionéiert. Et wäert viles méi liicht maachen an et ass eeben d'Dier opgemaach zu der Justice, wéi mer se an e puer Joer wäerten insgesamt am eisem System hunn, wou ee ganz viles just nach vum Büro aus kann héichlueden an dat dann och en temps réel um Gericht ukënn.

Dat anert, wat awer och extreem, extreem wichteg ass – an déi vun Iech, déi och schon Echangingen hate mam Verwaltungsgericht, déi wëssen dat –: Hei an der Chamber sinn iwwer déi lescht Jore konstant nei Kompetenzen bäikomm fir d'Verwaltungsgericht. Et ass awer net am gläiche Mooss beim Personal opgestockt ginn an et si Matière, déi ëmmer méi komplex ginn – et ass schon ugeklungen –, sief et bei de Steuerfroen, mee et ass och zum Beispill extreem vill Urbanismus dobäi, d'Asylfroen. Dat sinn alles ganz schwierig Dossier, wou et wierklech gutt ass, wann et Magistrate sinn, déi héich spezialiséiert sinn. An duerfir eeben och – no Récksprouch natierlech, no Diskussioun mat dem Verwaltungsgericht – elo mol déi Propos, fir och déi spezialiséiert Chamberen anzeféieren, an eeben dann déi Schafung hei vun eelef Richterposten um Verwaltungsgericht. Dat ass

e ganz wichtige Schrëtt fir d'Stärkung vun deser Institution.

Ech soen Iech Merci fir Är breet Zoustëmmung an ech sinn iwwerzeegt, dass se och um Verwaltungsgericht ganz frou sinn doriwwer, dass dat hei konnt esou gutt gestëmmt ginn. Merci.

M. Fernand Etgen, Président | Merci villmools der Madamm Justizminister Sam Tanson. D'Diskussion ass elo ofgeschloss.

Mir kommen elo zur Ofstëmmung iwwer de Projet de loi 8109. Den Text steet am Document parlementaire 8109^o.

Vote sur l'ensemble du projet de loi 8109 et dispense du second vote constitutionnel

D'Ofstëmmen fänkt un. Mir maachen de Vote par procuration. De Vott ass ofgeschloss.

De Projet de loi ass mat 60 Jo-Stëmmen eestëmmege geholl.

Ont voté oui : Mmes Diane Adehm, Nancy Arendt épouse Kemp, MM. Emilie Eicher, Félix Eischen, Paul Galles, Léon Gloden, Jean-Marie Halsdorf, Mme Martine Hansen, MM. Max Hengel, Aly Kaes, Marc Lies, Mme Elisabeth Margue (par M. Jean-Marie Halsdorf), M. Georges Mischo (par M. Serge Wilmes), Mme Octavie Modert, MM. Laurent Mosar, Gilles Roth, Jean-Paul Schaaf, Marc Spautz, Serge Wilmes, Claude Wiseler (par Mme Martine Hansen) et Michel Wolter (par Mme Nancy Arendt épouse Kemp) ;

Mme Barbara Agostino, MM. Guy Arendt, André Bauler, Gilles Baum, Mme Simone Beissel, MM. Frank Colabianchi, Fernand Etgen, Gusti Graas, Mme Carole Hartmann, MM. Pim Knaff (par M. Gusti Graas), Claude Lamberty et Mme Lydie Polfer (par M. Claude Lamberty) ;

Mme Simone Asselborn-Bintz, M. Dan Biancalana (par Mme Simone Asselborn-Bintz), Mmes Tess Burton (par M. Yves Cruchten), Francine Closener, MM. Yves Cruchten, Mars Di Bartolomeo, Mme Cécile Hemmen, M. Dan Kersch, Mme Lydia Mutsch et M. Carlo Weber ;

Mme Semiray Ahmedova, M. François Benoy, Mmes Djuna Bernard, Stéphanie Empain, Chantal Gary, M. Marc Hansen, Mme Josée Lorsché, M. Charles Margue et Mme Jessie Thill ;

MM. Jeff Engelen, Fernand Kartheiser, Fred Keup et Roy Reding (par M. Jeff Engelen) ;

MM. Sven Clement et Marc Goergen ;

Mmes Myriam Cecchetti et Nathalie Oberweis.

Freet d'Chamber d'Dispens vum zweete Vote constitutionnel?

(Assentiment)

Et ass also esou decidéiert.

9. 8179 – Projet de loi portant modification de la loi du 21 mars 2006 sur les équipes communes d'enquête aux fins de transposition de la directive (UE) 2022/211 du Parlement européen et du Conseil du 16 février 2022 modifiant la décision-cadre 2002/465/JAI en ce qui concerne sa mise en conformité avec les règles de l'Union relatives à la protection des données à caractère personnel

Den nächste Punkt um Ordre du jour ass de Projet de loi 8179, d'Ëmsetzung vun enger europäescher Direktiv iwwer de Schutz vu perséinlechen Donnéeën. D'Justizkommission huet mam Accord unanime vun der Conférence des présidents decidéiert, den

Artikel 73 vum Chambersreglement ze applizéieren an iwwert de Projet ouni Rapport an ouni Debat ofzestëmmen.

Well keen Deputéierte bis virun der Sitzung eng Op-positioun formuléiert huet, esou wéi et am Artikel 73 (6) vun eise Chambersreglement virgesinn ass, kënnen mer direkt zum Vott vun dësem Projet de loi kommen.

Mir kommen elo zur Ofstëmmung iwwert de Projet de loi 8179. Den Text steet am Document parlementaire 8179⁰.

Vote sur l'ensemble du projet de loi 8179 et dispense du second vote constitutionnel

D'Ofstëmmen fänkt un. Mir kommen elo zu dem Vote par procuration. De Vott ass ofgeschloss.

De Projet de loi ass eestëmmeg mat 60 Jo-Stëmmen uegheoll.

Ont voté oui : Mmes Diane Adehm, Nancy Arendt épouse Kemp, MM. Emile Eicher, Félix Eischen, Paul Galles, Léon Gloden, Jean-Marie Halsdorf, Mme Martine Hansen, MM. Max Hengel, Aly Kaes, Marc Lies, Mme Elisabeth Margue (par M. Jean-Marie Halsdorf), M. Georges Mischo (par M. Max Hengel), Mme Octavie Modert, MM. Laurent Mosar, Gilles Roth, Jean-Paul Schaaf, Marc Spautz, Serge Wilmes, Claude Wiseler (par Mme Martine Hansen) et Michel Wolter (par M. Paul Galles) ;

Mme Barbara Agostino, MM. Guy Arendt, André Bauler, Gilles Baum, Mme Simone Beissel, MM. Frank Colabianchi, Fernand Etgen, Gusti Graas, Mme Carole Hartmann, MM. Pim Knaff (par M. André Bauler), Claude Lamberty et Mme Lydie Polfer (par M. Claude Lamberty) ;

Mme Simone Asselborn-Bintz, M. Dan Biancalana (par Mme Francine Closener), Mmes Tess Burton (par M. Yves Cruchten), Francine Closener, MM. Yves Cruchten, Mars Di Bartolomeo, Mme Cécile Hemmen, M. Dan Kersch, Mme Lydia Mutsch et M. Carlo Weber ;

Mme Semiray Ahmedova, M. François Benoy, Mmes Djuna Bernard, Stéphanie Empain, Chantal Gary, M. Marc Hansen, Mme Josée Lorsché, M. Charles Margue et Mme Jessie Thill ;

MM. Jeff Engelen, Fernand Kartheiser, Fred Keup et Roy Reding (par M. Jeff Engelen) ;

MM. Sven Clement et Marc Goergen ;

Mmes Myriam Cecchetti et Nathalie Oberweis.

Freet d'Chamber d'Dispens vum zweete Vote constitutionnel?

(Assentiment)

Et ass also esou decidéiert.

10. Question élargie n° 189 de M. Laurent Mosar au sujet du baromètre de l'économie de la Chambre de Commerce

Mir kommen elo zu der erweiterter Fro Nummer 189 vun Här Laurent Mosar iwwert de Wirtschaftsbarometer vun der Chambre de Commerce. Den Auteur huet fënnf Minutten Zäit, fir seng Fro an no der Äntwert vum Minister eventuell eng Zousazfro ze stellen, an der Regierung stinn zéng Minutten zou. Här Mosar, Dir hutt d'Wuert.

M. Laurent Mosar (CSV) | Jo, merci, Här President. Léif Kolleeginnen a Kolleegen, wéi de President et gesot huet, zeechent de Wirtschaftsbarometer vun der Chambre de Commerce e relativ düüstert Bild, wat d'Kompetitivitéit vun eisen Entreprises ugeet. Do schéngt manifestement d'Vertraue vu ville Chef-d'entreprises, awer och vu villen Investisseuren net méi

dat allgréisst ze sinn. An dat, wat relativ bedenk-
lech ass: Laut der Chambre de Commerce géifen eng
ganz Rei vun internationalen Entreprise, awer och
müttelgrouss Strukturen doriwwer nodenken, fir hir
Aktivitéiten ausserhalb vu Lëtzebuerg ze verlagere.
Notamment gëtt do gesot, datt eng ganz Rei Family-
Officé géifen doriwwer nodenken, hir Aktivitéit ze ver-
lagere. An déi lescht Informatioun kann ech selwer
och bestätegen, well mer eng Rei Leit, déi an deem
Secteur aktiv sinn, gesot hunn, wa bis den Oktober
näischt géif geschéien, géife se wierklech ganz seriéis
iwwerleeën, ob se nach kéinte bei eis am Land blei-
wen.

Wann een dann esou noliest an deem Barometer, da
gesäit een, datt do déi üblech Problemer opgeléist
sinn. Ganz kuerz nach eng Kéier: Logement; Steie-
ren; Talent Attraction; héich Energiepräisser; héich
Zënsen, déi natierlech och d'Betribler fir hir Kreditter
musse bezuelen; net genuch Disponibilitéit vun Ter-
rainen an Aktivitéitszonen a sou wieder a sou virun.
A sech keng nei Problemer. Ech erënneren och drun,
datt mer virun enger Rei vu Wochen eng Interpella-
tioun dozou haten, wou och déi dote Punkten eigent-
lech am Fong hei diskutéiert gi sinn.

Wann een dann awer virufiert – an dat ass eigentlech
e Klassement, wat mer nach vill méi ze denke gëtt –,
do ass virun e puer Deeg dat sougenannte World
Competitiveness Yearbook erauskomm – dat ass ee
vun de renomméiertste Barometere international –,
a wann een do kuckt, do fält Lëtzebuerg op déi 20.
Plaz zrëck. Déi 20. Platz, dat ass déi schlechtest an zéng
Joer. A wann een dann e bësselchen och méi an den
Detail vun deem doten Index kënnt, da konstatéiert
een zum Beispill, wat d'Performance économique vu
Lëtzebuerg ugeet, do ware mer nach am Joer 2022,
also d'lescht Joer, op der 1. Platz, do si mer elo op déi
38. Platz – vun der 1. op déi 38. Platz zrëckgefall.

A wann een do och e bësselche méi an den Detail
geet, an dat ass eppes, wat mir am meeschte Suege
mécht, dat ass, dass mer net nëmme siwe Plaze ver-
luer hunn, mee datt mer hei immens Terrain verluer
hu par rapport zu Ekonomien, wou mer ëmmer no
dru waren. Ech nennen hei d'Schwäiz, ech nennen
Irland, ech nennen Holland, ech nenne Singapur a
Schweden.

A mir sinn och elo entre-temps iwwerholl gi vu Länner
wéi der Belsch, Island, Saudiarabien, der Tscheche-
scher Republik an Australien. A fir och direkt klipp
a kloer hei ze soen, datt et net e Problem ass um Ni-
veau vun der Europäescher Unioun: Dat kompetitivst
Land op der Welt ass Dänemark virun Irland, der
Schwäiz, Singapur an Holland, dat heescht, eng ganz
Rei vu Länner, déi och an der Europäescher Unioun
sinn.

Ech wëll dofir eng Rei vu Froen un de Wirtschaftsmini-
ster stellen. Fir d'éischt: Wéi ass d'Analys natierlech
vum Här Wirtschaftsminister par rapport zu all deene
Constaten? Wat sinn d'Mesürene, déi d'Regierung
eventuell denkt, nach kuerzfristeg ze huelen, fir awer
d'Kompetitivitéit vun eise Land an eisen Entreprises
ze verbessere? Wat kënnt vu konkrete Proposen
eventuell nach um Niveau vun der Talent Attraction?
Et géif mech och interesséieren, wat nach vu Mesürene
am Logement um Niveau vun der Transition énergétique,
och wat do d'Hëllef betrëfft, wat do alles eventuell
nach virgesinn ass.

An ech soen dem Minister schonn am Virus Merci fir
seng Äntwerten.

M. Fernand Etgen, Président | Merci villmools, Här
Mosar. D'Regierung huet d'Wuert, den Här Wirt-
schaftsminister Franz Fayot.

M. Franz Fayot, Ministre de l'Économie | Jo, merci,
Här President. Och merci dem Laurent Mosar fir dës
Question élargie. Dat gëtt mer effektiv och d'Occa-
sion, fir de Punkt ze maache vun der aktueller Situa-
tioun vun der Économie.

De Barometer vun der Chambre de Commerce ass
effektiv ëmmer e wichtege Indicateur, deen elo, men-
gen ech, a senger aachter Editioun war. Ech war
d'lescht Joer ëm dës Zäit och selwer dobäi, wéi de
Barometer virgestallt ginn ass. An et ass effektiv ge-
wosst, dass mer fir de Moment net an enger ganz
gudder wirtschaftlecher Situatioun sinn. D'Zäit sinn
net immens roseg, d'Konjunktur ass europawäit
schwaach. Mir hunn ëmmerhin nach eng licht Crois-
sance hei bei eis fir dës Joer an och eng Previsioun
vu Croissance fir dat nächst Joer. An anere Länner, an
eisen Nopeschlänner, notamment an Däitschland ass
schonn eng liicht Rezessioun. An och den Investment-
klima bei de Stéit an och bei den Entreprises ass fir
de Moment effektiv net gutt an engem Ëmfeld vun
héijen Zënsen. Dat ass kee gutt Ëmfeld, fir Investisse-
menter ze encouragéieren. Dat dauert leider alle Pre-
visiounen no och bei eis nach un.

Et gëtt gesot, dass d'Europäesch Zentralbank, contrai-
nement zu deem, wat an Amerika elo geschitt, nach
mat hirer zimmlech restriktiver Geldpolitik wäert
weiderfuere, och nach zweemol wäert eropgoe mat
hirem Leitzëns an och nach héchstwahrscheinlech bis
2025 net wäert domadder erofgoen.

Et ass also eng Geldpolitik, déi och an enger ge-
wësser Hisiicht wirkt. Ech mengen, et geet jo drëm,
fir d'Inflatioun erofzekeréien, dat klappt jo och. Ech
mengen, et gesäit een, iwwerall an Europa geet d'In-
flatioun erof, néierens esou staark wéi bei eis hei zu
Lëtzebuerg, dat huet natierlech och mat deene Mesü-
ren ze dinn, déi mer geholl hunn am Beräich vun der
Deckelung vun den Energiepräisser am Kader vun der
Tripartitt. Alles dat huet gewierkt an huet mat sech
bruecht, dass mer heizuland eng niddereg Inflatioun
hunn, wat, mengen ech, och e Facteur ass, deen awer
trotzdeem och dat wirtschaftlecht Ëmfeld e bësse méi
positiv duerstellt, wéi dat och an anere Länner de Fall
ass. Mee effektiv, et ass esou, dass d'Inflatioun erof-
geet, awer och leider d'Aktivitéit erofgeet. D'Akti-
vitéit gëtt gebremst, an dat ass och bei eis perceptibel
duerch all d'Sectoren.

Et ass also net erstaunlech, dass den Haaptindicateur
vum Barometer vun der Chambre de Commerce elo
och zrëckgeet. Et gesäit een och, dass dee Barometer,
wann een dat iwwert d'Zäit kuckt, parallel verleeft zu
deene verschidde Krisen, déi mer duerchlaf hunn.
Virun der Pandemie, dat heescht 2019, war dee Baro-
meter op ongeféier 63 Punkten. En ass du während
der Pandemie, um héchste Punkt vun der Pandemie
erofgaangen op 45 Punkten. En hat dann e staarke
Rebond direkt duerno, 2021, op 62 Punkten, dat
heescht, rëm ongeféier op den Niveau pré-pandemie.
An elo si mer ëm zéng Punkten erofgaangen, elo si
mer bei 52,3 Punkten. Dat huet natierlech alles ze di
mat deene Krisen, déi mer och säithier elo erliewen:
d'Energiekris, virdru Liwwerenkëpp, natierlech dee
schreckleche Krich an der Ukrain, dee ganz villen op
de Kapp gehäit huet. An alles dat ass natierlech dat
Ëmfeld, wat mer elo hunn a wat mat sech bréngt,
dass effektiv d'Konfienz fir de Moment net déi aller-
bescht ass. Dat ass eis, mengen ech, all bewosst, dat
ass och keen Ëmfeld, wat elo spezifesch ass fir Lëtze-
buerg. Dat ass dat Ëmfeld, wat mer insgesamt an
Europa hunn.

Mir steieren do dergéint, notamment mat eise finan-
ziellen Aiden. Dat hu mer och ëmmer erëm hei an der
Chamber, wou mer déi Gesetzer stëmmen, fir déi fi-
nanziell Aiden unzepassen, ze erneieren en fonction